



**REPUBLIKA E SHQIPERISE  
PROKURORI I PËRGJITHSHËM**

**Sekret  
RHK  
Ekzemplar Nr. \_\_\_\_\_**

**URDHËR  
NR.34 DATË 14. 02. 2006  
PËR**

**PËRCAKTIMIN E FUNKSIONEVE TË SEKSIONIT TË PËRGJIMIT TË  
TELEKOMUNIKIMEVE DHE MARRËDHËNIEVE ME SHËRBIMET INFORMATIVE**

**Me synim,** përcaktimin e funksioneve të Seksionit të Përgjimit të Telekomunikimeve dhe Marrëdhënieve me Shërbimet Informative të Zyres së Prokurorit të Përgjithshëm, i krijuar me urdhërin nr.3, datë 6.01.2006;

**Ne mbështetje,** të nenin 9 pika 2 e vijues të ligjit nr. 8737 datë 12. 02. 2001 "Për organizimin dhe funksionimin e Prokurorisë në Republikën e Shqipërisë", ndryshuar me ligjin nr. 9102 datë 10. 07. 2003,

**URDHËROJ:**

1. Seksioni i Përgjimit të Telekomunikimeve dhe Marrëdhënieve me shërbimet Informative ushtron funksionet dhe ka detyre:
  - 1.1. T  
ë pranojë autorizime për kryejën e përgjimit të telekomunikimeve të ardhura nga Prokuroritë e shkallës së parë - me vendim gjyqite ose me vendim të prokurorit në raste emergjente - dhe ti dërgojë menjëherë ato për veprim në Bërthamën Komanduese Elektronike (BKE) me një akt zyrtar të posaçën.
  - 1.2. T  
ë udhëheqë, të ndihmojë nga ana metodike, të ndjekë në dinamikë dhe të kontrollojë respektimin e ligjshmërisë, në Prokuroritë e të gjithë niveleve, në Bërthamën Komanduese Elektronike (BKE-në) dhe në Sektorin e Përgjimeve në SHISH, për realizimin e përgjimit të telekomunikimeve të autorizuara nga gjykata ose nga prokurori në raste emergjente, si dhe të përgjimit të fshehte fotografik, filmik ose me video të personave në vende publike dhe përdorimin e paisjeve gjurmuese të vendndodhjes të autorizuar nga prokurori, duke:

- a. kontrolluar ligjshmërinë dhe efektivitetin e përdorimit të këtij mjeti të posaçëm të kërkimit të provës, nëpërmjet inspektimeve të plota ose të pjesëshme si sektor dhe/ose në bashkerendim me Drejtorinë e Personelit dhe Inspektimit të kësaj Zyre, lidhur me zbatimin e akteve ligjore dhe nënligjore në këtë fushë;
  - b. kontrolluar çdo muaj veprimtarinë e Bërthamës Komanduese Elektronike, për gjendjen faktike të autorizimeve për përgjim, të përgjimeve të realizuara dhe të përgjimeve në proces, duke i specifikuar me vendim të gjykatës dhe/ose të prokurorit;
  - c. informuar Prokurorin e Përgjithshëm për mangësitë dhe shkeljet e evidentuara, si dhe duke propozuar masat që duhen marrë dhe personat përgjegjës.
- 1.3. Me autorizim të Prokurorit të Përgjithshëm, të verifikojë ligjshmërinë e kërkesave për përgjim parandalues që i paraqiten Prokurorit të Përgjithshëm nga subjektet e përcaktuara me ligj dhe të përgatit projektaktet përkatëse, si dhe të evidentojë, të ndjekë dhe të kontrollojë procedurat për kryerjen e përgjimit të telekomunikimeve në BKE dhe në Sektorin e Përgjimeve në SHISH, në zbatim të Udhëzimit të Përbashkët nr. 1/544 datë 12. 05. 2005 të Prokurorit të Përgjithshëm dhe Drejtorit të SHISH-it.
  - 1.4. autorizim të Prokurorit të Përgjithshëm, të kontrollojë ligjshmërinë e projektakteve për procedurat e veprimtarisë së shërbimeve informative (SHISH-it, SHIU-t, SHKB-së, SHKBB-së) që i propozohen për miratim Prokurorit të Përgjithshëm, dhe të kontrollojë zbatimin e tyre.
  - 1.5. Të realizojë konsulta teknike dhe këshilluese, si dhe të udhëheqë nga ana metodike Prokuroritë e të gjitha niveleve, lidhur me marrëdhëniet me shërbimet informative, si SHISH-in, SHIU-së, SHKB-në në Ministrinë Brendshme dhe SHKBB-në në Ministrinë e Drejtësisë.
  - 1.6. Të bashkërendojë me drejtuesit e SHISH-it, SHIU-t, SHKB-së në Ministrinë e Brendshme dhe SHKBB-ve në Ministrinë e Drejtësisë dhe/ose me institucione të tjera në këtë fushë, duke ju bërë prezent problemet dhe kërkuar prej tyre marrjen e masave për zbatimin e ligjit.
  - 1.7. Të iniciojë dhe të ndjekë trajnimet për ngritjen profesionale të prokurorëve dhe oficerëve të policisë gjyqësore në këtë fushë, duke bashkërenduar me Drejtorinë e Studimeve dhe Drejtorinë e Personelit dhe Inspektimit.
  - 1.8. Të përgatitë, në bashkërendim me Drejtorinë e Studimeve, projektakte normative, qarkore, studime dhe analiza në këtë fushë.

1.9. Ti japë zgjidhje ligjore, me autorizim të Prokurorit të Përgjithshëm, ankesave dhe kërkesave, që i vijnë Prokurorit të Përgjithshëm, lidhur me përgjimet procedurale dhe përgjimet parandaluese, si dhe për respektimin e procedurave nga shërbimet informative.

1.10. T  
ë ruajë sekretin e veprimtarisë në këtë sektor, si dhe të administrojë dhe ruajë dokumentacionin sekret që lidhet me procesin e përgjimit dhe aktet e tjera të klasifikuara në marrëdhëniet me shërbimet informative, në mbështetje të akteve ligjore e nënligjore në fuqi.

2. Prokurori - shëf i këtij Sektori - dhe oficeri i policisë gjyqësore i kësaj strukture kryejnë dhe funksione të tjera të caktuara me ligj ose me urdhër dhe/ose autorizim të posaçëm të Prokurorit të Përgjithshëm.
3. Për zbatimin dhe për të ndjekur e kontrolluar zbatimin e këtij urdhëri ngarkohen personeli i Sektorit të Përgjimit të Telekomunikimeve dhe Marrëdhënieve me Shërbimet Informative i kësaj Zyre, si dhe prokurorët dhe drejtuesit e prokurorive të të gjithë niveleve.
4. Mospërmbushja e detyrave të përcaktuara në këtë urdhër, përbërt shkelje të disiplinës në punë.
5. Urdhërat dhe çdo akt tjetër normativ i kësaj Zyre që bie në kundërshtim me këtë urdhër, shfuqizohen.
6. Me këtë urdhër të njihen prokurorët dhe drejtuesit e Prokurive të të gjithë niveleve.

Ky urdhër hyn në fuqi menjëherë.

**PROKURORI I PËRGJITHSHËM**

**THEODHORISOLLAKU**